



BIMBINGAN ASAS FARDHU'AIN

Bimbingan Asas Fardhu 'Ain

(Siri Pertama)

Oleh

**Penasihat Islam
Dan
Pakar Rujuk
Perkim Kebangsaan**

Diterbitkan oleh:
Pertubuhan Kebajikan Islam Malaysia
Tingkat 4, Bangunan PERKIM
Jalan Ipoh, 51200
Kuala Lumpur

KATA-KATA ALUAN

Saya mengucapkan syukur kepada Allah SWT kerana dengan izin-Nya menbolehkan saya menurunkan sepatah dua kata-kata aluan dalam buku ini.

Pada tahun lalu PERKIM menyambut ulang tahun JUBLI Emas yang dirasmikan pada bulan November 2010. Semenjak bergiat dalam bidang dakwah dan kebajikan sejak 50 tahun yang lalu PERKIM telah menerbitkan banyak buku agama dalam beberapa bahasa seperti Bahasa Melayu, Bahasa Inggeris, Bahasa Mandarin dan Bahasa Tamil, yang diedarkan secara percuma. Bahan-bahan bacaan ini menjadi pelengkap kepada dakwah yang dikembangkan oleh PERKIM.

Tujuan penerbitan agama ini aialah untuk memberi ilmu dan penerangan kepada pembaca khususnya Saudara Baru atau Muallaf yang memerlukan pengetahuan dan panduan tentang ibadat dan perkara-perkara lain mengenai Islam. Buku-buku ini ditulis dalam bahasa awam yang mudah dan jika perlu terdapat gambar yang menerangkan secara grafik tentang wuduk dan sembahyang. Alhamdulillah daripada maklum balas yang diterima, ramai daripada mereka dapat memahami dan meningkatkan pengetahuan mereka melalui buku-buku kecil ini.

Seringkali stok buku ini kehabisan dan perlu diulang cetak. Dalam urusan ulang cetak seringkali penambahbaikan dilakukan supaya buku terbitan edisi baru ini menjadi lebih lengkap. Saya mengucapkan terima kasih kepada pendakwah PERKIM dan guru-guru agama yang memberi cadangan-cadangan untuk memperbaiki mutu dan kandungan buku-buku ini. Begitu juga Tahniah kepada Unit Penerbitan PERKIM selaku urus setia penerbitan yang bertanggungjawab mengurus penerbitan PERKIM.

Saya mendoakan usaha menerbitkan buku dan penyebaran ilmu ini membawa manfaat kepada semua pembaca, selaras dengan maksud Hadis: “Sesiapa yang hendakkan dunia perlu berilmu, sesiapa yang hendakkan akhirat perlu berilmu, dan sesiapa yang hajatkan keduanya perlu berilmu”.

Sekian, terma kasih.

TAN SRI DATO' DR ABDUL HAMID OTHMAN
Setiausaha Agung Kehormat PERKIM

Pendahuluan

Buku ini pernah diterbitkan sebelum ini di atas tajuk "Asas Fardhu 'Ain". Mereka yang terlibat secara langsung dalam menghasilkan buku tersebut adalah Saudara Azlan Syah bin Abdullah sebagai penulis. Beliau merupakan salah seorang Saudara Kita yang telah memeluk Islam.

Kemudian di atas arahan dan nasihat oleh Penasihat Islam dan Pakar Rujuk PERKIM Kebangsaan (Dato' Hj. Mohamed bin Hj. Amat) buku ini telah diolah sedikit susunannya. Oleh yang demikian, terbitan baru ini telah diberi nama baru iaitu "Bimbingan Asas Fardhu 'Ain Siri Satu".

Dan orang yang terlibat sama dalam menghasilkan buku terbitan baru ini ialah Ustaz Abd. Rahman bin Jaafar sebagai Pegawai Dakwah PERKIM Bahagian Negeri Melaka.

Penyusun

بِسْمِ اللَّهِ الرَّحْمَنِ الرَّحِيمِ

Dengan Nama Allah Yang Maha Pemurah lagi Maha Mengasihani.

Pengertian Islam:-

Islam ialah "Pengabdian dan Penyerahan diri kepada Allah Subhanahu Wa Ta'ala (S.W.T.). Ini bermakna seseorang Islam itu hendaklah tunduk dan patuh kepada perintah Allah S.W.T. menurut segala suruhanNya dan meninggalkan segala laranganNya. Segala ini dinyatakan di dalam Al-Quran dan di dalam hadis-hadis Rasulullah s.a.w.

Seseorang Islam itu hendaklah mengetahui dua perkara rukun asas iaitu:-

1. Rukun Islam

Kepatuhan atau amalan yang meliputi segala amali yang terkandung di dalam Rukun Islam.

2. Rukun Iman

Kepercayaan atau Iman yang terkandung di dalam Rukun Iman.

Rukun Islam

1. Mengucap Dua Kalimah Syahadat
2. Sembahyang lima waktu sehari semalam
3. Mengeluarkan Zakat
4. Puasa di bulan Ramadhan
5. Menunaikan Fardhu Haji di Mekah bagi setiap orang yang berkemampuan

MENGUCAP DUA KALIMAH SYAHADAT

Iaitu membuat akuan dengan lidah dan diyakini dengan hati bahawa Allah S.W.T. adalah Tuhan yang Maha Esa yang menciptakan sekalian alam, juga membuat akuan bahawa Nabi Muhammad adalah Pesuruh Allah.

أَشْهَدُ أَنَّ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا رَسُولُ اللَّهِ

ASYHADU ALLAA ILAAHA ILLALLAH, WA ASY
HADU ANNA MUHAMMADAR ROSUULULLAH.

Rukun Islam

1. Mengucap Dua Kalimah Syahadat
2. Sembahyang lima waktu sehari semalam
3. Mengeluarkan Zakat
4. Puasa di bulan Ramadhan
5. Menunaikan Fardhu Haji di Mekah bagi setiap orang yang berkemampuan

MENGUCAP DUA KALIMAH SYAHADAT

Iaitu membuat akuan dengan lidah dan diyakini dengan hati bahawa Allah S.W.T. adalah Tuhan yang Maha Esa yang menciptakan sekalian alam, juga membuat akuan bahawa Nabi Muhammad adalah Pesuruh Allah.

أَشْهَدُ أَنَّ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا رَسُولُ اللَّهِ

ASYHADU ALLAA ILAAHA ILLALLAH, WA ASY
HADU ANNA MUHAMMADAR ROSUULULLAH.

Maksudnya: “*Aku mengaku tiada Tuhan melainkan Allah dan aku mengaku bahawa Nabi Muhammad Pesuruh Allah.*”

Sebagai seorang Islam, kita senantiasa mengucap Dua Kalimah Syahadat pada bila-bila masa kerana dengan berbuat demikian akan memberi kekuatan Iman dan semangat yang bukan kecil pada seseorang. Oleh itu, kita hendaklah mengenali tentang Rukun Iman.

Rukun Iman

Pengertian Iman:-

Iman dari sudut bahasa bermaksud “Kepercayaan”. Manakala dari sudut syaraknya pula bererti “Membenarkan dalam hati, mengakui dengan perkataan dan mengamalkan dengan rukun-rukunya”.

1. Percaya kepada Allah S.W.T.
2. Percaya kepada Malaikat-Malaikat
3. Percaya kepada Kitab-Kitab
4. Percaya kepada Rasul-Rasul
5. Percaya kepada Hari Qiamat (Akhirat)
6. Percaya kepada Qada dan Qadar (untung baik dan untung jahat) ditentukan oleh Allah S.W.T.

Percaya Kepada Allah S.W.T.

Percaya dengan penuh yakin bahawa Allah S.W.T. itu “Alлаh” dan mempunyai kekuasaan dan kesempurnaan.

Allah S.W.T. yang menjadikan tiap-tiap sesuatu, di langit maupun di bumi.

Allah S.W.T. adalah Tuhan Yang Maha Esa dan tidak boleh dipersetujukan. Allah S.W.T. menciptakan manusia, jin, malaikat, langit, bumi, bulan, bintang, haiwan, tumbuhan, air dan lain-lain.

Allah S.W.T. bersifat dengan segala sifat kesempurnaan, tempat kembali dan berserah segala makhluk. Kesemua kejadian, perubahan adalah dengan Qudrat (berkuasa) dan Iradat (kehendakNya). Ia adalah Tuhan Yang Maha Suci dari segala sifat kelemahan dan kekurangan.

Ia juga yang menghidupkan dan mematikan serta memberi rezeki kepada sekalian makhlukNya. Ia tidak tidur, tidak mempunyai isteri dan anak dan sentiasa mengetahui, mendengar dan melihat.

Percaya Kepada Malaikat-Malaikat

Percaya dengan penuh yakin bahawa Malaikat itu ada. Mereka itu makhluk yang halus, yang dijadikan oleh Allah S.W.T. daripada cahaya. Mereka bukan lelaki, bukan perempuan dan bukan khunsa. Mereka hanya menjalankan tugas yang diperintahkan oleh Allah S.W.T. kepada mereka dan tidak mempunyai nafsu seperti manusia.

Malaikat-malaikat yang termaktub di dalam Al-Quran dan yang wajib kita percaya ialah 10:

- 1. Malaikat Jibrail:-**
Tugasnya menyampaikan wahyu kepada Nabi-nabi dan Rasul-rasul Allah dan ia adalah penghulu segala Malaikat.
- 2. Malaikat Mikail:-**
Tugasnya ialah membawa rezeki dan menurunkan hujan.
- 3. Malaikat Israfil:-**
Tugasnya ialah menjaga *Loh Mahfuz* dan meniup sangka kala.
- 4. Malaikat Izrail:-**
Tugasnya ialah mencabut nyawa.
- 5. Malaikat Ridhuan:-**
Tugasnya ialah menjaga syurga.
- 6. Malaikat Malik:-**
Tugasnya ialah menjaga neraka.
- 7. Malaikat Raqib:-**
Tugasnya ialah mencatat amal kebaikan manusia.
- 8. Malaikat Atid:-**
Tugasnya ialah mencatat amal kejahatan manusia.
- 9. Malaikat Mungkar:-**
Tugasnya ialah menyoal manusia di dalam kubur.
- 10. Malaikat Nakir:-**
Tugasnya ialah menyoal manusia di dalam kubur.

Percaya Kepada Kitab-Kitab

Percaya dengan penuh yakin bahawa Allah S.W.T. telah menurunkan beberapa kitab suci kepada Rasul-rasulNya. Kitab-kitab yang wajib kita percaya ialah 4 buah iaitu:-

1. Kitab Taurat:-

Diturunkan kepada Nabi Musa (Dalam bahasa Ibrani / Hebrew)

2. Kitab Zabur:-

Diturunkan kepada Nabi Daud. (Dalam bahasa Suryani / Yunani)

3. Kitab Injil:-

Diturunkan kepada Nabi Isa. (Dalam bahasa Ibrani)

4. Kitab Al-Quran:-

Diturunkan kepada Nabi Muhammad s.a.w. (Dalam Bahasa Arab). Al-Quran adalah kitab yang terakhir sebagai kesimpulan kandungan ke atas semua kitab-kitab yang telah diturunkan kepada Nabi-nabi dan Rasul-rasul sebelum Nabi Muhammad s.a.w.

Percaya Kepada Rasul-Rasul

Percaya dengan penuh yakin bahawa Allah S.W.T. telah mengutuskan beberapa orang Rasul untuk memimpin manusia ke jalan yang benar dan hidup berbahagia di dunia dan di akhirat.

1. Nabi:-

Ialah seorang lelaki yang diberi wahyu oleh Allah

S.W.T. kepadanya untuk dirinya sendiri dan dia tidak diwajibkan untuk menyampaikan kepada yang lain.

2. Rasul:-

Ialah seorang lelaki yang diberi wahyu oleh Allah S.W.T. kepadanya untuk disampaikan kepada kaumnya atau kepada semua umat manusia.

Mereka mempunyai 4 sifat yang wajib kita percayai iaitu:-

- a. Siddiq ~ Benar
- b. Amanah ~ Jujur/Setia
- c. Tabligh ~ Menyampaikan
- d. Fatanah ~ Bijaksana

3. Nabi dan Rasul yang wajib kita ketahui ada 25 orang sepermula yang tersebut di dalam kitab Al-Quran. Mereka itu ialah:-

- | | |
|----------------------|------------------------|
| 1. Nabi Adam a.s. | 10. Nabi Ya'kub a.s. |
| 2. Nabi Idris a.s. | 11. Nabi Yusof a.s. |
| 3. Nabi Nuh a.s. | 12. Nabi Ayub a.s. |
| 4. Nabi Hud a.s. | 13. Nabi Zulkifli a.s. |
| 5. Nabi Soleh a.s. | 14. Nabi Syuib a.s. |
| 6. Nabi Ibrahim a.s. | 15. Nabi Musa a.s. |
| 7. Nabi Lut a.s. | 16. Nabi Harun a.s. |
| 8. Nabi Ismail a.s. | 17. Nabi Daud a.s. |
| 9. Nabi Ishak a.s. | 18. Nabi Sulaiman a.s. |

-
-
- 19. Nabi Ilyas a.s.
 - 20. Nabi Ilyasa a.s.
 - 21. Nabi Yunus a.s.
 - 22. Nabi Zakaria a.s.
 - 23. Nabi Yahya a.s.
 - 24. Nabi Isa a.s.
 - 25. Nabi Muhammad s.a.w.

Percaya Kepada Hari Qiamat

Percaya dengan penuh yakin bahawa dunia ini akan rosak dan binasa. Semua manusia akan dibangkitkan semula untuk menerima pembalasan yang maha adil dari Allah S.W.T. Tidak ada seorang pun manusia yang mengetahui bila berlakunya Qiamat, melainkan Allah sahaja.

Percaya Kepada Qada' dan Qadar

Percaya dengan penuh yakin bahawa apa yang telah berlaku, sedang berlaku dan apa yang akan berlaku adalah menurut apa yang telah ditetapkan dan ditentukan oleh Allah S.W.T.

SEMBAHYANG LIMA WAKTU SEHARI SEMALAM

Iaitu membaca beberapa perkataan dan melakukan beberapa perbuatan yang tertentu dimulai dengan takbir

الله أَكْبَرُ

"ALLAHU AKBAR"

"Allah Maha Besar"

dan disudahi dengan salam

السَّلَامُ عَلَيْكُمْ وَرَحْمَةُ اللهِ

"ASSALAAMU 'ALAIKUM WAROHMATULLAH"

"Sejahtera atas kamu dan rahmat Allah"

Orang Islam wajib mengerjakan sembahyang lima waktu
sehari semalam seperti berikut:-

- | | |
|-----------------------|----------|
| 1. Sembahyang SUBUH | 2 Rakaat |
| 2. Sembahyang ZOHOR | 4 Rakaat |
| 3. Sembahyang ASAR | 4 Rakaat |
| 4. Sembahyang MAGHRIB | 3 Rakaat |
| 5. Sembahyang ISYAK | 4 Rakaat |

Dengan menunaikan sembahyang, seseorang itu sentiasa dapat menjaga kebersihan diri dan jiwanya setiap hari, juga melatih seseorang itu sentiasa menjaga masa dan membuat sesuatu menurut aturan. Selain daripada itu, solat juga akan memberi kekuatan dan kesihatan mental, spiritual dan fizikal kepada mereka-mereka yang kekal mendirikan sembahyang.

Syarat Sah Sembahyang

1. Suci dari hadas besar dan hadas kecil.
2. Suci badan, pakaian dan tempat sembahyang dari najis.

-
-
3. Menutup aurat.
 4. Mengetahui masuk waktu sembahyang.
 5. Mengadap kiblat.

Hadas Besar

1. Erti Hadas Besar

Hadas besar ialah suatu keadaan cemaran anggota yang tidak dapat dilihat, yang mewajibkan mandi apabila hendak menunaikan ibadat sembahyang dan sebagainya, yang biasa dipanggil mandi wajib atau mandi junub.

2. Sebab-sebab mewajibkan mandi:-

- a. Bersetubuh/jimak (samada keluar mani atau tidak)
- b. Keluar mani (secara sengaja atau tidak)
- c. Mati yang bukan syahid

Hanya untuk perempuan sahaja

- a. Haid
- b. Nipas
- c. Wiladah (bersalin)

Najis

Erti Najis

Najis ialah kekotoran yang mencegah sahnya sembahyang dan diharam memakannya.

Bahagian Najis

1. Najis berat (Mughallazah)
2. Najis ringan (Mukhaffafah)
3. Najis tengah (Mutawassitah)

Najis berat (Mughallzah)

Iaitu anjing, babi dan keturunan-keturunan yang lahir dari kedua-duanya atau salah satu dari kedua-duanya dengan binatang lain.

Cara cuci

Dihilangkan rupa najis itu, dibasuh dengan air 7 kali yang

pertama dicampur dengan tanah yang suci.

Najis Ringan (Mukhaffafah)

Iaitu air kencing kanak-kanak lelaki yang belum sampai umur 2 tahun, tidak memakan sesuatu kecuali susu ibunya sahaja.

Cara cuci

Memercikkan air ke atasnya hingga basah, sekalipun tidak mengalir.

Najis Tengah (Mutawassitah)

Iaitu semua najis-najis yang lain daripada najis berat dan najis ringan seperti:-

- a. Segala jenis darah kecuali hati dan limpa.
- b. Bangkai-bangkai selain dari bangkai manusia, ikan dan belalang.
- c. Keluar sesuatu dari dua jalan keluar kecuali air mani.
- d. Nanah dan muntah.
- e. Susu binatang yang haram dimakan dagingnya.

Cara cuci

Memadai membasuh sekali basuh dengan air yang bersih hingga hilang bau, rasa dan warnanya.

ISTINJAK

Menghilangkan najis yang terdapat pada kemaluan selepas membuang air kecil dan air besar.

Syarat Istinja

- a. Menghilangkan rasa.
- b. Menghilangkan bau.
- c. Menghilangkan warnanya.

Bahagian Air

I. Bahagian Air:-

- a. Air Mutlak
- b. Air Mustakmal
- c. Air Musyammas
- d. Air Mutanajis

Air Mutlak

Initu air yang turun dari langit atau keluar dari bumi seperti:-

- a. Air laut
- b. Air sungai
- c. Air hujan
- d. Air salji

- e. Air embun
- f. Air mata air
- g. Air telaga atau perigi

Hukum air ini suci lagi menyucikan

Air Mustakmal

Iaitu air yang sedikit (tidak cukup dua kolah) yang telah digunakan untuk menghilangkan hadas besar atau kecil. Hukum air ini suci tetapi tidak menyucikan.

Air Musyammas

Iaitu air yang dijemur di dalam bekas yang boleh berkarat. Air ini suci dan boleh menyucikan tetapi makruh digunakan untuk mencuci anggota.

Air Mutanajis

Iaitu air yang sedikit (kurang dua kolah) yang bercampur dengan benda-benda najis atau banyak (lebih dua kolah) yang bercampur dengan najis tetapi telah berubah salah satu daripada sifatnya iaitu bau, rasa dan warna. Air ini tidak boleh digunakan untuk bersuci.

Wuduk

HADAS KECIL

1. Erti hadas kecil:

Mengambil (wuduk) apabila seseorang hendak mendirikan sembahyang.

2. Syarat wuduk

- a. Beragama Islam.
- b. Mumayiz (sudah boleh membezakan sesuatu pekerjaan yang baik dan dengan pekerjaan yang buruk (7 tahun).
- c. Suci dari hadas besar.
- d. Jangan ada sesuatu barang yang boleh menghalang sampainya air kepada anggota wuduk yang akan dibasuh.
- e. Hendaklah memakai air yang suci lagi menyucikan.

3. Fardhu wuduk

a. Niat

اللَّهُمَّ أَرِنِي رَفِيعَ الْحَدَثِ الْأَصْغَرَ لِلَّهِ تَعَالَى

**ALLAAHUMMA URIIDU RAF 'AL-HADASIL
ASH GHARI LILLAHHI TA'AALAA**

Maksudnya: "Ya Allah, aku ingin berwuduk untuk menghilangkan hadas kecil fardhu atas diriku kerana Allah Ta'ala."

- b. Membasuh muka (3 kali) iaitu mulai tumbuh rambut di atas kepala sehingga penghujung tempat tumbuh janggut melintang pula antara dua anak telinga, dan wajib menyampaikan air ke seluruh tempat-tempat dan juga bulu-bulu, termasuk bulu mata, misai, janggut dan sebagainya.
- c. Membasuh kedua tangan (3 kali) mulai kanan kemudian kiri sampai kedua siku, termasuk juga wajib dibasuh ialah apa-apa yang ada di bawah kuku yang panjang dan menutupi hujung jari.
- d. Mengusap sebahagian kepala (3 kali) sekalipun tiada rambut. Jika ada rambut panjang, maka belum cukup kalau hanya mengusap rambut yang sudah kelebihan dari batas kepala.
- e. Membasuh kedua belah kaki (3 kali) mulai kaki kanan dan kemudian kiri hingga ke buku lali.

- f. Tertib iaitu berturut-turut dikerjakan mengikut peraturan.

4. Perkara-perkara yang sunat dilakukan dalam Wuduk

- a. Membaca

بِسْمِ اللَّهِ الرَّحْمَنِ الرَّحِيمِ

BISMILLAH HIR ROHMANIR ROHIM

"Dengan nama Allah Yang Maha Pengasih lagi Maha Penyayang"

- b. Membasuh dua pergelangan tangan kedua-duanya
- c. Berkumur-kumur iaitu memasukkan air ke dalam mulut
- d. Membasuh hidung dengan memasukkan air ke dalam kemudian menghembuskan keluar
- e. Membersihkan kedua telinga luar dan dalam
- f. Menggosok-gosok anggota yang dibasuh
- g. Mendahulukan yang kanan kemudian kiri
- h. Setiap anggota dibasuh dengan 3 kali
- i. Mengerjakan secara berturut-turut
- j. Selesai wuduk sunat membaca doa:-

أَشْهُدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهُدُ أَنَّ مُحَمَّدًا رَسُولُ اللَّهِ، أَللَّهُمَّ اجْعَلْنِي
مِنَ التَّوَابِينَ، وَاجْعَلْنِي مِنَ الْمُتَطَهِّرِينَ، وَاجْعَلْنِي
مِنْ عِبَادِكَ الصَّالِحِينَ، سُبْحَانَكَ اللَّهُمَّ وَبِحَمْدِكَ
أَشْهُدُ أَنْ لَا إِلَهَ إِلَّا أَنْتَ أَسْتَغْفِرُكَ وَأَتُوْبُ إِلَيْكَ.

ASYHADU ALLAA ILAAHA ILLALLAAH WAHDAHU
LAA SYARIKA LAH, WA ASYHADU ANNA
MUHAMMADAN 'ABDUHU WAROSUULUH,
ALLAHUMMAAJ 'ALNII MINAT TAUWAABIN, WAJ
'ALNII MINAL MU ATHOH HIRIIN, WAJ 'ALNII MIN
'IBAADIKAS SOOLIHIIN SUBHAANAKAL LAA
HUMMA WABIHAMDIKA, ASYHADU ALLAA ILAAHA
ILLAA ANTA, ASTAGHFIRUKA WA ATUUBU ILAIK.

Maksudnya: "Aku menyaksikan bahwasanya tiada Tuhan melainkan Allah yang Maha Esa, tiada sekutu bagiNya dan aku menyaksikan pula bahwasanya Muhammad adalah hamba dan RasulNya. Ya Allah, jadikanlah aku termasuk golongan orang-orang bertaubat dan masukkanlah pula aku dalam orang-orang yang bersuci dan juga golongan hamba-hambaMu yang soleh. Maha Suci Engkau dan aku mengucapkan puji-pujian padaMu. Aku menyaksikan

bahawasanya tiada Tuhan melainkan Engkau, aku mohon pengampunan serta bertaubat pula kepadaMu."

I. Cara Mengangkat Hadas Kecil (Lampiran gambar disertakan)

- a. Membersihkan kedua pergelangan tangan (3 kali) disertai dengan membaca

بِسْمِ اللَّهِ الرَّحْمَنِ الرَّحِيمِ

BISMILLAH HIRROHMAA NIR ROHIM

- b. Berkumur-kumur (3 kali).
- c. Membasuh hidung (3 kali) dengan memasukkan air ke dalam hidung dan menghembuskan keluar.
- d. Membasuh muka (3 kali) dengan disertai dengan niat ("Sahaja aku mengambil air sembahyang, fardhu atas diriku kerana Allah Taala."
- e. Membasuh kedua tangan dimulai tangan kanan, kemudian tangan kiri hingga ke siku (3 kali).
- f. Mengusap sebahagian kepala (3 kali).
- g. Membersihkan kedua telinga luar dan dalam (3 kali).
- h. Membasuh kaki kanan dan kemudian kaki kiri hingga buku lali (3 kali).

- i. Tertib (teratur iaitu mengerjakan mengikut susunan).

6. Perkara-perkara yang membatalkan wuduk

- a. Keluar sesuatu dari qubul dan dubur seperti tahi, lendir, cacing, kentut, mazi, wadi, darah dan lain-lain kecuali air mani.
- b. Hilang akal dengan sebab mabuk, gila dan sebagainya.
- c. Tidur yang tidak tetap papan punggung di tempat duduk.
- d. Bersentuh kulit lelaki dengan perempuan yang sah nikah (bukan muhrim) tanpa berlapik.
- e. Menyentuh kemaluan dengan tapak tangan tanpa berlapik.


GAMBARAJAH 1
CARA MENGAMBIL WUDUK (AIR SEMBAHYANG)



*Membersihkan kedua pergelangan tangan 3 kali disertai membaca
"BISMILLAA HIR ROHMAA NIR ROHIM."*




Berkumur-kumur mulut 3 kali
Membasuh hidung 3 kali




اللَّهُمَّ أُرِيدُ رَفْعَ الْحَدَثِ الْأَصْغَرِ لِلَّهِ تَعَالَى

ALLAAHUMMA URIIDU RAF'AL HADASIL ASHGARI LILLAHI
TA'ALAA


Membasuh muka 3 kali disertai dengan NIAT



Basuh tangan kanan hingga ke siku 3 kali




Basuh tangan kiri hingga ke siku 3 kali



Basuh sebahagian kepala 3 kali




Membersih kedua telinga 3 kali



Membasuh kaki kanan 3 kali hingga buku lali



Membasuh kaki kiri 3 kali hingga buku lali



Doa selepas ambil wuduk

Doa Selepas Berwuduk

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ مُحَمَّداً عَبْدُهُ وَرَسُولَهُ، اللَّهُمَّ اجْعَلْنِي
مِنَ التَّوَابِينَ، وَاجْعَلْنِي مِنَ الْمُتَطَهِّرِينَ، وَاجْعَلْنِي
مِنْ عِبَادِكَ الصَّالِحِينَ، سُبْحَانَكَ اللَّهُمَّ وَبِحَمْدِكَ
أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ وَأَتُوْبُ إِلَيْكَ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ
وَسَلَّمَ.

ASYHADU ALLAA ILAAHA ILLALLAH
WAHDAAHU LAA SYARIIKALAHU, WA ASY
HADU ANNA MUHAMMADAN 'ABDUHU
WAROSUULUH ALLAA HUMMAJ 'ALNII

MINAT TAUWABIIN WAJ ALNII MINAL
MUTATHOHHIRIIN WAJ'ALNII MIN
IBAADIKAS SOOLIHIIN. SUBHAANAKAL
LAHUMMA WABIHAMDIKA ASYHADU ALLAA
ILAAHA ILLAA ANTA ASTAGHRFIRUKA WA
ATUUUBU ILAIK. WA SOLLALLAA HU ALAA
SAIDINNA MUHAMMADIN WA ALAA AALIHI
WASOHBIGHI WASALLAM

Maksudnya: “Aku menyaksikan bahawa tiada Tuhan melainkan Allah yang Esa tidak ada yang menyekutui-Nya. Dan aku menyaksikan bahawa Muhammad itu hamba-Nya dan pesuruh-Nya. Ya Allah jadikanlah aku daripada orang yang bertaubat, dan jadikanlah aku daripada hamba-Mu yang salih (baik-baik). Maha suci engkau ya Allah dengan sifat kepujianMu. Aku menyaksikan bahawa tiada Tuhan melainkan Engkau. Aku memohon ampun dan taubat kepadaMu. Dan Allah rahmati serta sejahterakan junjungan kami Muhammad, kekurangan dan sahabat-sahabatnya.’

Rukun Mandi

Niat

اللَّهُمَّ أُرِيدُ رَفْعَ الْحَدَثِ الْأَكْبَرِ لِلَّهِ تَعَالَى

ALLAAHUMMA URIIDU RAF'AL-HADASIL
AKBARI LILLAHI TA'ALAA."

Maksudnya: "Ya Allah, aku ingin mandi hadas besar fardhu atas diriku kerana Allah Taala."

Meratakan air ke seluruh badan

Perkara yang sunat dilakukan mandi wajib.

1. Membaca.s

بِسْمِ اللَّهِ الرَّحْمَنِ الرَّحِيمِ

BISMILLA HIR ROHMAH NIR ROHIIM

"Dengan nama Allah yang Maha Pengasih lagi Maha Penyayang"

2. Mengambil wuduk sebelum mandi.
3. Berturut-turut menjiruskan badan dengan air.
4. Menggosok sekalian anggota badan.
5. Mendahulukan yang kanan.
6. Melakukan sebanyak 3 kali.
7. Menyelat-nyelat janggut yang tebal atau umpama dari bulu-bulu yang lain.

Nota

1. Sekiranya terdapat najis di anggota badan, maka wajiblah dibasuh najis terlebih dahulu.
2. Mandi junub boleh dirangkumi dengan mandi sunat sekali.
3. Setelah mandi hadas besar, maka tidaklah lagi diwajibkan mengambil wuduk apabila hendak mengerjakan sembahyang. Jika tidak melakukan perkara-perkara yang membatalkan wuduk.

Doa selesai mandi hadas besar

أَشْهُدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهُدُ أَنَّ مُحَمَّداً عَبْدُهُ وَرَسُولُهُ

ASYHADU ALLAA ILAAHA ILLALLAAH
WAHDHU LAA SYARIKA LAHU. WA
ASYHADU ANNA MUHAMMADAN ABDUHU
WA ROSUULUH

Maksudnya: “Aku naik saksi bahawa tiada Tuhan yang disembah melainkan Allah, dan tiada sekutu bagiNya dan Aku naik saksi bahawa Nabi Muhammad ialah PesuruhNya.”

Sembahyang (Solat)

(13 perkara) - Lampiran gambar disertakan

Syarat Wajib Sembahyang

1. Islam
2. Baligh
3. Berakal
4. Telah sampai dakwah (seruan) kepadanya
5. Melihat atau mendengar

Rukun Sembahyang (13 perkara)

(Lampiran gambar disertakan)

1. Berdiri betul
2. Niat
3. Mengucap 'Allahu Akbar'

۲
الله أَكْبَرُ

4. Baca surah al-Fatihah

5. Rukuk

سُبْحَانَ رَبِّيِّ الْعَظِيمِ (٣ كالي)

SUBHAANA ROBBIYAL 'AZIIMI (3 KALI)

Maksudnya: "Maha suci Tuhanmu yang Maha Agung."

6. Bangun dari Rukuk

سَمِعَ اللَّهُ لِمَنْ حَمِدَهُ، رَبَّنَا لَكَ الْحَمْدُ

SAMI 'ALLAAHU LIMAN HAMIDAH,
ROBBANAA LAKAL HAMDU

Maksudnya: "Allah mendengar akan orang yang memujiNya, Ya Allah Tuhan Kami, Bagimu segala puji."

7. Sujud (2 kali)

سُبْحَانَ رَبِّيِّ الْأَعْلَى (٣ كالي)

SUBHAANA ROBIYAL A'LAA (3 KALI)

Maksudnya: "Maha suci Allah Yang Maha Mulia."

8. Duduk antara dua sujud

رَبُّ اغْفِرْلِيْ وَارْحَمْنِيْ وَاجْتَبِرْنِيْ وَارْفَعْنِيْ
وَارْزُقْنِيْ وَاهْدِنِيْ وَعَافِنِيْ وَاغْفِعْنِيْ.

ROBBIGHFIRLII, WARHAMNII, WAJBURNII,
WARFA'NII WARZUQNII, WAHDINII, WA
'AAFINII, WA' FU 'ANNII

Maksudnya: "Ya Allah, ampunilah aku, rahmatilah
aku, cukupkanlah aku, angkatlah darjatku, berilah aku
rezeki, berilah aku petunjuk, afiatkanlah aku dan
maafkanlah aku."

9. Duduk Tahiyyat akhir
10. Membaca Tahiyyat di waktu duduk akhir
11. Memberi selawat atas Nabi
12. Memberi salam yang pertama

السَّلَامُ عَلَيْكُمْ وَرَحْمَةُ اللَّهِ

ASSALAAMU ALAIKUM WAROHMATULLAAH

Maksudnya: "Kesejahteraan atas engkau semua dan
juga berkat Allah."

13. Tertib. (Dikerjakan satu demi satu menurut susunan)

Membatalkan Sembahyang

1. Bergerak berturut-turut lebih dari 3 kali
2. Bercakap dengan sengaja
3. Pakaian, badan dan tempat ada najis
4. Nampak aurat
5. Ubah niat
6. Tidak mengadap qiblat
7. Makan dan minum
8. Berhadas besar dan hadas kecil
9. Mendahului Imam 2 rukun berturut-turut
10. Ketawa dan menangis terbahak-bahak
11. Murtad (keluar dari agama Islam)

Niat Sembahyang

1. Fardhu Subuh (2 Rakaat)

أَصَلِيْ فَرْضَ الصَّبْحِ رَكْعَتَيْنِ (مَأْمُومًا) أَدَاءً
لِلَّهِ تَعَالَى

*USOLLII FARDAS SUBHI ROK'ATAINI
(MA'MUUMAN) ADA AN LILLAHHI TA'ALA*

Maksudnya: "Sahaja aku sembahyang fardhu Subuh 2 rakaat (mengikut imam) tunai kerana Allah Ta'ala."

2. Fardhu Zohor (4 Rakaat)

أُصَلِّي فَرْضَ الظَّهِيرَةِ أَرْبَعَ رَكَعَاتٍ (مَأْمُومًا)
أَدَاءً لِلَّهِ تَعَالَى

USOLLII FARDAZ ZOHRI ARBA'A ROKA'AATIN
(MA'MUUMAN) ADAA AN LILAAHI TA'ALA

Maksudnya: "Sahaja aku sembahyang fardhu Zohor 4 rakaat (mengikut imam) tunai kerana Allah Ta'ala."

3. Fardhu Asar (4 Rakaat)

أُصَلِّي فَرْضَ الْعَصْرِ أَرْبَعَ رَكَعَاتٍ (مَأْمُومًا)
أَدَاءً لِلَّهِ تَعَالَى

USOLLI FARDAL ASRI ARBA'A ROKA' AATIN
(MA'MUUMAN) ADAA AN LILLAHI TA'ALA

Maksudnya: "Sahaja saya sembahyang fardhu Asar 4 rakaat (mengikut imam) tunai kerana Allah Ta'ala."

4. Fardhu Maghrib (3 Rakaat)

أُصَلِّي فَرْضَ الْمَغْرِبِ ثَلَاثَ رَكَعَاتٍ
(مَأْمُومًا) أَدَاءً لِلَّهِ تَعَالَى

*USOLLII FARDAL MAGHRIBI THALAASA ROKA
'AATIN (MAMUUMAN) ADAA AN LILLAHHI
TA'ALA*

Maksudnya: "Sahaja aku sembahyang fardhu maghrib 3 rakaat (mengikut imam) tunai kerana Allah Ta'ala."

5. Fardhu Isyak (4 rakaat)

اُصَلِّي فَرْضَ الْعِشَاءِ أَرْبَعَ رَكَعَاتٍ (مَأْمُومًا)
أَدَاءً لِلَّهِ تَعَالَى

*USOLLII FARDAL I'SYAAI ARBA'A ROKA'
AATIN (MA'MI'UMAN) ADAA AN LILLAHHI
TA'ALA*

Maksudnya: "Sahaja aku sembahyang fardhu Isya' 4 rakaat (mengikut imam) tunai kerana Allah Ta'ala.

6. Fardhu Jumaat (2 rakaat)


اُصَلِّي فَرْضَ الْجُمُعَةِ رَكْعَتَيْنِ (مَأْمُومًا) أَدَاءً لِلَّهِ تَعَالَى

*USOLLII FARDAL JUM'ATI ROK 'ATAINI
(MA'MUUMAN) ADAA AN LILLAHHI TA'ALA*

Maksudnya: "Sahaja aku sembahyang fardhu Jumaat dua rakaat (mengikut imam) tunai kerana Allah Ta'ala.

Sembahyang Fardhu Lima Waktu

Fardhu Subuh (2 rakaat)



- 1. Berdiri betul mengadap qiblat**

2. Niat

أَصَلِّ فَرْضَ الصَّبْحِ رَكْعَتَيْنِ (مَأْمُومًا) أَدَاءً لِلَّهِ تَعَالَى

USOLLII FARDAS SUBHI ROK ATAINI
(MA'MUUMAN) ADAA AN LILLAHHI TA'ALA

Maksudnya: "Sahaja aku sembahyang fardhu subuh 2 rakaat (mengikut imam) tunai kerana Allah Taala."


Nota:

Jika sembahyang seorang, tidak perlu dibaca niat "ma'muuman" (mengikut imam), kerana niat "ma'muuman" dibaca ketika kita sembahyang mengikut imam.

3. Takbiratul Ihram:

الله أَكْبَرُ
ALLAHU AKBAR

"Allah Maha Besar"




اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا
 وَسُبْحَانَ اللَّهِ بُكْرَةً وَأَصِيلًا. وَجَهْتُ
 وَجْهِي لِلَّذِي فَطَرَ السَّمَاوَاتِ وَالْأَرْضَ.
 حَنِيفًا مُسْلِمًا وَمَا أَنَا مِنَ الْمُشْرِكِينَ. إِنَّ
 صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ
 الْعَالَمِينَ. لَا شَرِيكَ لَهُ وَبِذَلِكَ أُمِرْتُ وَأَنَا
 مِنَ الْمُسْلِمِينَ.

ALLAAHU AKBAR KABIIRAN WALHAMDULIL
LAA HI KATHIIRA WA SUBHAA NALLAA HI
BUK RO TAUWA ASIILLAA. WAJJAH TU WA
HIYA LIL LAZII, FATAROS SAMAA WATTI WAL
ARD. HANIFAM MUSLIMAN WAMAA ANAA
MINAL MUSYRIKIIN, INNNA SOLATI
WANUSUKI, WAMAH YAAYA, WAMAMAATI
LIL LAAHU ROBBIL AALAMIIN. LAA SYARII
KALAHU WABIZAA LIKA UMIR TU WA ANAA
MINAL MUSLIMIN.

Maksudnya: "Allah Maha Besar, sebesar-besarNya. Dan puji-pujian bagi Allah sebanyak-banyakNya. Dan Maha Suci Allah siang dan malam. Kuhadapkan mukaku, kepada yang menjadikan langit dan bumi aku cenderung lagi berserah kepada Allah dan bukanlah aku dari golongan orang-orang yang menyekutukan Allah.

Sesungguhnya sembahyangku, ibadatku, hidupku dan matiku, kuserahkan hanya kepada Allah seru sekalian alam. Sekali-kali tidaklah aku menyekutukanNya. Dan dengan demikian aku ditugaskan dan aku adalah dari golongan orang-orang Islam."



4. Membaca al-Fatihah (wajib)

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ
الرَّحْمَنِ الرَّحِيمِ، الْحَمْدُ لِلَّهِ رَبِّ الْعَالَمِينَ.
الرَّحْمَنِ الرَّحِيمِ، مَالِكِ يَوْمِ الدِّينِ، إِيَّاكَ
نَعْبُدُ وَإِيَّاكَ نَسْتَعِينُ. اهْدِنَا الصِّرَاطَ
الْمُسْتَقِيمَ، صِرَاطَ الَّذِينَ أَنْعَمْتَ عَلَيْهِمْ
غَيْرِ الْمَغْضُوبِ عَلَيْهِمْ وَلَا الضَّالِّينَ.

A'UUZU BILLAA HI MINASY SYAITOO NIR ROJIIM.
BISMILLAA HIR ROHMAANIR ROHIIM.
ALHAMDULILLAA HI ROBBIL AALAMIIN. AR
ROHMAA NIR ROOHIIM. MAALIKI YAUU MIDDIIN.
IYAA KANA' BUDU WA IY YAA KA NASTA'IIN. IH
DINAS SIROOTHOL MUSTA'QIM. SIROOTOL LAZII
NA AN 'AM TA' ALAIHIM. GHOIRIL MAGHDHUU
BI' ALAIHIM WALADDHOOLLIIN. AAMIIN.

Maksudnya: "Aku berlindung dengan Allah dari godaan syaitan yang direjam. Dengan nama Allah yang Maha Pengasih lagi Maha Penyayang. Segala puji-pujian bagi Allah seru sekalian alam. Yang bersifat pengasih penyayang. Yang berkuasa pada hari pembalasan. Akan Engkau sahaja Tuhan kami yang kami sembah, dan hanya kepada engkau sahaja tempat kami minta tolong. Tunjukkanlah kami jalan yang lurus, iaitu jalan orang-orang yang terdahulu yang telah Engkau berikan nikmat - bukan jalan orang-orang yang Engkau murkai dan bukan pula jalan orang-orang yang sesat."

Sunat baca dari mana-mana surah dalam al-Quran.
Contoh : (Surah al-Kauthar)

بِسْمِ اللَّهِ الرَّحْمَنِ الرَّحِيمِ
إِنَّا أَعْطَيْنَاكَ الْكَوْثَرَ فَصَلِّ لِرَبِّكَ وَانْحِرْ
إِنَّ شَانِئَكَ هُوَ الْأَبْتَرُ.

BISMILLAA HIR ROHMAA NIR ROHIM.
INNA A'TOINA KAL KAUTHAR. FASOLLILIROB
BIKA WANHAR. INNA SYAA NI AKA HUWAL
AB'TAR

Maksudnya: "Dengan nama Allah yang Maha Pengasih dan Maha Penyayang. Sesungguhnya Kami (Allah) telah kurniakan kepadamu (Muhammad) nikmat yang banyak. Maka dirikanlah sembahyang kerana (syukur kepada) Tuhanmu, dan sembelihlah korban, sesungguhnya musuhmu telah pun putus."


5. Rukuk



سُبْحَانَ رَبِّ الْعَظِيمِ (٣ كالي)

SUBHAANA ROBBIYAL 'AZIIMI (3 KALI)


Maksudnya: "Maha suci Allah Yang Maha Agung"



6. Bangun dari Rukuk (*Itidal*)

SAMI 'ALLAAHU LIMAN HAMIDAH, ROBBANA
LAKAL HAMDU

Maksudnya: "Allah mendengar akan orang yang memujiNya, Ya Tuhan kami, bagiMu segala puji."



7. Sujud (Pertama)

سُبْحَانَ رَبِّيِ الْأَعْلَى (٣ كالي)

SUBHAANA ROBBIYAL A'LAA (3 KALI)

Maksudnya: "Maha suci Allah Yang Maha Mulia."




8. Duduk antara dua sujud

رَبُّ اغْفِرْلِي وَ ازْحَمْنِي وَ اجْتَبِرْنِي وَ ازْفَغْنِي
وَ ازْرَقْنِي وَ اهْدِنِي وَ عَافِنِي وَ اغْفُتْ عَنِّي.

ROBBIGHFIRLII, WARHAMNII, WAJBURNII,
WARFA'NII WARZUQNII, WAHDINII, WA
'AFIINII, WA' FU' ANNII

Maksudnya: “ Tuhanmu ampunilah aku, rahmatilah aku, cukupkanlah aku, angkatlah darjatku, berilah aku rezeki, berilah aku petunjuk, afiatkanlah aku dan maafkanlah aku.”




Sujud (kedua)

سُبْحَانَ رَبِّ الْأَعْلَىٰ (٣ كالي)

SUBHAANA ROBBIYAL A'LAA (3 KALI)

Maksudnya: “Maha suci Allah Yang Maha Mulia.”

Rakaat Kedua



4. Membaca Al-Fatihah (Wajib)

أَعُوذُ بِاللَّهِ مِنَ الشَّيْطَانِ الرَّجِيمِ،
بِسْمِ اللَّهِ الرَّحْمَنِ الرَّحِيمِ،
الْحَمْدُ لِلَّهِ رَبِّ الْعَالَمِينَ. الرَّحْمَنُ الرَّحِيمُ.
مَالِكُ يَوْمِ الدِّينِ. إِيَّاكَ نَعْبُدُ وَإِيَّاكَ نَسْتَعِينُ.
إِهْدِنَا الصِّرَاطَ الْمُسْتَقِيمَ. صِرَاطَ الَّذِينَ أَنْعَمْتَ
عَلَيْهِمْ غَيْرَ الْمَغْضُوبِ عَلَيْهِمْ وَلَا الضَّالِّينَ.

A'UUZU BILLAA HI MINASY SYAITOONIR
ROJIIM. BISMILLAAHIR ROHMAANIR ROHIIM.

*ALHAMDULILLAA HIROBBIL 'AALAMIN. AR
ROHMA NIR ROHIIM. MAALIKI YAUU MID
DIIN. IYA KANA' BUDU WA IY YAA KA
NASTA'IIN. IH DINAS SIROOTHOL
MUSTAQIIM. SIROOTHOL LAZII NA AN 'AM
TA' ALAIHIM. GHOIROL MAGHDUU BI 'ALAI
HIM WALADDHOOLIIN. AA MIIN*

Maksudnya: "Aku berlindung dengan Allah dari godaan syaitan yang direjam. Dengan nama Allah yang Maha Pengasih lagi Maha Penyayang. Segala puji-pujian bagi Allah seru sekalian alam. Yang bersifat pengasih penyayang. Yang berkuasa pada hari pembalasan. Akan Engkau wahai Tuhan kami yang kami sembah, dan hanya kepada Engkau sahaja tempat kami minta tolong. Tunjukkanlah kami jalan yang lurus. Iaitu jalan orang-orang yang telah Engkau berikan nikmat - bukan jalan orang-orang yang Engkau murkai dan bukan pula jalan orang-orang yang sesat."

Sunat baca dari mana-mana surah dalam al-Quran.
Contoh: Surah al-Ikhlas)

بِسْمِ اللَّهِ الرَّحْمَنِ الرَّحِيمِ
قُلْ هُوَ اللَّهُ أَحَدٌ. إِلَهُ الْصَّمَدُ. لَمْ يَلِدْ وَلَمْ يُوْلَدْ.
وَلَمْ يَكُنْ لَهُ كُفُواً أَحَدٌ

BISMILLAA HIR ROHMAA NIR ROHIIM

QUL HUWALLAA HU AHAD, ALLAAHUS SOMAD, LAM YALID WALAM YUULAD, WALAM YAKULLAHU KUFUWAN AHAD

Maksudnya: "Katakanlah (Ya Muhammad) Allah itu Esa, Allah tempat meminta, tiada beranak dan tiada diberanakkan. Dan tiada sesuatu yang menyerupaiNya."



5. Rukuk

سُبْحَانَ رَبِّ الْعَظِيمِ (٣ كالي)

SUBHAANA ROBBIYAL 'AZIIMI (3 KALI)

Maksudnya: "Maha suci Allah Yang Maha Agung."



6. Bangun dari rukuk

سَمِعَ اللَّهُ لِمَنْ حَمِدَهُ، رَبَّنَا لَكَ الْحَمْدُ

SAMI' ALLAAHU LIMAN HAMIDAH, ROBBANA
LAKAL HAMDU

Maksudnya: "Allah mendengar akan orang yang memujinya, Ya Tuhan kami, bagimu segala puji."




Doa Qunut

اللَّهُمَّ اهْدِنِي فِيمَنْ هَدَيْتَ. وَعَافِنِي فِيمَنْ عَافَنَتْ.
وَتَوَلَّنِي فِيمَنْ تَوَلَّتْ. وَبَارِكْ لِي فِيمَا أَغْطَيْتَ.
وَقِنِي شَرَّ مَا قَضَيْتَ. فَإِنَّكَ تَقْضِي وَلَا يَقْضَى عَلَيْكَ.
وَإِنَّهُ لَا يَذِلُّ مَنْ وَالَّيْتَ. وَلَا يَعْزِزُ مَنْ عَادَيْتَ.
تَبَارَكْتَ رَبُّنَا وَتَعَالَيْتَ. فَلَكَ الْحَمْدُ عَلَى مَا قَضَيْتَ.
وَاسْتَغْفِرُكَ وَأَتُوبُ إِلَيْكَ. وَصَلَّى اللَّهُ عَلَى سَيِّدِنَا
مُحَمَّدِنَ النَّبِيِّ الْأَمِيِّ وَعَلَى آلِهِ وَصَاحْبِهِ وَسَلَّمَ.

ALLAAHUMMAH DINII FIIMAN HADAIT. WA 'AAFIINII FIIMAN 'AAFAIT. WATAWALLANII FIIMAN TAWALLAIT. WABAARIK LII FIIMA ATHOIT WAQINII SYARROMA QODHOIT. FA INNAKA TAQDHII, WALAA YOQTDOO 'ALAIK WA INNAHU LAA YAZILLUMAN WAALAIT. WALAYA 'EZZU MAN 'AADAIT. TABAA ROKTA ROBBANA WA TA 'AA LAIT. FALAKAL HAMDU 'ALAA MAA QODHOIT. WA ASTAGH FIRUKA WA ATUUBU ILAIK. WA SOLLALLAHU 'ALAA SAIYIDINAA MUHAMMADMININ NABIYIL UMMIYI WA'ALAA AALIHI WASOHBBIHI WASALLAM.

Maksudnya: "Ya Allah, tunjukkanlah aku bersama orang yang telah Engkau tunjuki. Dan afiatkanlah aku bersama orang yang telah Engkau afiatkan. Dan pimpinlah aku bersama orang yang telah Engkau pimpin. Dan berkatilah bagiku pada apa-apa yang telah Engkau berikan. Dan peliharalah aku dari kejahatan perkara-perkara yang telah Engkau qadhakan (hukumkan). Maka bahwasanya Engkau yang menghukum bukannya Engkau yang dihukum. Bahwasanya tidak akan terhina orang yang telah Engkau musuhi. Amat berkat Engkau Ya Allah, dan Maha Tinggi Engkau. Maka bagiMu pujian di atas apa yang telah Engkau hukumkan. Dan minta ampun aku kepada Engkau dan taubat aku kepada Engkau. dan sejahteralah junjungan kami Muhammad yang Ummi (tidak tahu membaca) dan sejahteralah atas keluarganya dan sahabat-sahabatnya."



7. Sujud (pertama)

سُبْحَانَ رَبِّ الْأَعْلَىٰ (٣ كالي)

SUBHAANA ROBBIYAL A'LAA (3 KALI)

Maksudnya: "Maha suci Allah Yang Maha Mulia."




8. Duduk antara dua sujud

رَبِّ اغْفِرْلِي وَازْحَمْنِي وَاجْتَبِرْنِي وَازْفَغْنِي وَازْقَفْنِي
وَاهْدِنِي وَعَافِنِي وَاغْفُ عَنِي.

ROBBIGHFIRLII, WARHAMNII, WAJBURNII,
WARFA'NII, WARZUQNII, WAHDINII, WA
'AAFINII, WA FU'ANNII

Maksudnya: "Tuhanku ampunilah aku, rahmatilah
aku, cukupkanlah aku, angkatlah darjatku, berilah aku
rezeki, berilah aku petunjuk, afiatkanlah aku dan
maafkanlah aku."




9. Sujud (Kedua)

سُبْحَانَ رَبِّيَ الْأَعْلَى (٣ كالي)

SUBHAANA RABBIYAL A'LAA (3 KALI)

Maksudnya: "Maha suci Tuhanmu Yang Maha Mulia."



10. Duduk Tahhiyyat Akhir

الْتَّحِيَّاتُ الْمُبَارَكَاتُ الصَّوَاتُ الْطَّيِّبَاتُ لِلَّهِ،
السَّلَامُ عَلَيْكَ أَيُّهَا النَّبِيُّ وَرَحْمَةُ اللَّهِ وَبَرَكَاتُهُ
السَّلَامُ عَلَيْنَا وَعَلَى عِبَادِ اللَّهِ الصَّالِحِينَ،
أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا رَسُولُ اللَّهِ.
اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ
عَلَى إِبْرَاهِيمَ وَعَلَى آلِ إِبْرَاهِيمَ، وَبَارِكْ عَلَى مُحَمَّدٍ

وَعَلَى آلِ مُحَمَّدٍ كَمَا بَارَكْتَ عَلَى إِبْرَاهِيمَ وَعَلَى
آلِ إِبْرَاهِيمَ فِي الْعَالَمِينَ إِنَّكَ حَمِيدٌ مَحْيِيدٌ.

ATTAHIIYATUL MUBAAROKAATUS SOLAWAATUT
TOYYIBAATU LILLAHH, ASSALAMU' ALAIKA
AIYUHAN NABIYYU WAROHMATULLAAH
HIWABAROKAATUH. ASSALAAMU 'ALAINAA WA
'ALAA IBAADIL LAA HIS SOOLIHIIN ASYHADU
ALLAA ILAAHA ILLALLAAH. WA ASYHADU ANNA
MUHAMADAR ROSUULULLAAH



II. Selawat Atas Nabi

ALLAAHUMMA SOLLI 'ALAA MUHAMMAD WA
'ALAA AALI MUHAMMAD KAMAA SOLAITA 'ALAA
IBROOHIIM WA 'ALAA AALI IBROOHIIM.
WABAARIK 'ALAA MUHAMMAD WA 'ALAA AALI
MUHAMMAD. KAMAA BAAROKT 'ALAA
IBROOHIIM WA' ALAA AALI IBROOHIIM FIL
AALAMINA INNAKA HAMIDUM MAJIID.


Maksudnya: "Segala ucapan selamat yang berkat-berkat (berganda-ganda) dan doa yang baik-baik semuanya untuk Allah. Selamat sejahtera atasmu wahai Nabi dan rahmat Allah dan keberkatanNya. Dan selamat sejahtera atas kita yang juga hamba-hamba Allah yang baik-baik. Aku mengaku bahawa tiada Tuhan melain Allah. Dan aku mengaku bahawa Muhammad utusan Allah. Ya Allah, anugerahkanlah

kesejahteraan atas Muhammad dan keluarga Muhammad seperti yang Engkau telah anugerahkan kesejahteraan atas Ibrahim dan keluarga Ibrahim. Dan berkatilah Muhammad dan keluarga Muhammad seperti yang Engkau telah berkatih Ibrahim dan keluarga Ibrahim. Sesungguhnya Engkau Maha Terpuji lagi Maha Tinggi.

12. Salam (Pusing muka ke kanan kemudian ke kiri)



السَّلَامُ عَلَيْكُمْ وَرَحْمَةُ اللهِ



السَّلَامُ عَلَيْكُمْ وَرَحْمَةُ اللهِ

ASSALAAMU 'ALAIKUM WAROHMATULLAAH

Maksudnya: "*Sejahtera Atas Kamu Dan Rahmat Allah.*"

13. Tertib (mengikut peraturan)

Zakat

1. Erti Zakat

Zakat bererti mengeluarkan sebahagian harta untuk diberikan kepada orang yang berhak menerimanya dengan kadar yang tertentu, setelah cukup nisabnya, dan sampai masanya satu tahun atau selesai menuai (bagi biji-bijian dan buah-buahan).

2. Pembahagian Zakat

- a. Zakat Harta
- b. Zakat Fitrah

Zakat Harta

- i. Binatang ternakan (unta, lembu & kambing)
- ii. Emas dan perak
- iii. Biji-bijian (jenis makanan yang mengenyangkan)
- iv. Buah-buahan (tamar dan anggur)
- v. Harta perniagaan

Zakat Fitrah

Iaitu setiap orang Islam yang cukup makan untuk setiap hari maka dia wajib mengeluarkan zakat fitrah atas dirinya pada setiap tahun sebelum solat Hari Raya Puasa.

Orang yang berhak terima zakat

1. Fakir
2. Miskin
3. Amil
4. Muallaf
5. Hamba sahaya
6. Orang berhutang
7. Fii sabillaah
8. Ibnu Sabil (orang yang menuntut ilmu)

Nota:

Perbahasan yang lebih mendalam perlulah merujuk kitab yang lebih tinggi.

Puasa

1. Erti puasa

Puasa ertinya menahan diri dari makan dan minum, atau apa-apa jua yang boleh membatalkan puasa, sepanjang hari dalam sebulan di bulan Ramadhan, mulai dari terbit fajar sidiq hingga terbenam matahari.

2. Niat

- a. Niat puasa pada malam bulan Ramadhan yang pertama sahaja

اللَّهُمَّ أَرِنِنَا صَوْمَ شَهْرِ رَمَضَانَ كُلَّهٗ لِلَّهِ تَعَالَى

ALLAAHUMMA URIIDU SAUMA SHAHRI
RAMADHAANA KULLIHI LILLAHHI TA'ALA

Maksudnya: "Ya Allah, aku ingin berpuasa untuk sebulan Ramadhan kesemuanya kerana Allah Ta'ala."

- b. Niat setiap malam

اللَّهُمَّ أُرِيدُ صَوْمَ غَدِيرَ عَنْ أَدَاءِ شَهْرِ رَمَضَانَ
هَذِهِ السَّنَةِ لِلَّهِ تَعَالَى

ALLAAHUMMA URIIDU SAUMA GODIN 'AN
ADAAI FARDHI SYAHRI RAMADHAANA
HAAZIHIS SANATIL LILLAHHI TA'ALA

Maksudnya: "Ya Allah, aku ingin berpuasa esok hari untuk menunaikan fardhu bulan Ramadhan kerana Allah Ta'ala."

3. Syarat Wajib Puasa

- a. Islam
- b. Baligh
- c. Berakal
- d. Suci daripada haid & nifas
- e. Bermuqim
- f. Berkuasa mengerjakan puasa

4. Perkara yang membatalkan puasa

- a. Makan dan minum dengan sengaja
- b. Memasukkan sesuatu dalam lubang anggota (rongga) dengan sengaja
- c. Muntah dengan sengaja

- d. Melakukan hubungan jenis (seks) di siang hari
- e. Mengeluarkan air mani dengan sengaja
- g. Pitam sepanjang hari
- h. Berbuka puasa dahulu dari waktunya
- i. Kedatangan haid, nifas dan wiladah
- j. Murtad

Nota:

Perbahasan yang lebih mendalam perlulah merujuk kitab yang lebih tinggi.

Haji

Pengertian Haji

Haji ertinya pergi menziarahi ke Baitullah al-Haram di Mekah untuk tujuan beribadat. Ianya diwajibkan hanya sekali sahaja seumur hidup bagi setiap orang Islam yang mukallaf dan yang berkemampuan samada lelaki mahupun perempuan dengan syarat-syarat tertentu.

Haji adalah Rukun Islam yang kelima iaitu selepas syahadat, sembahyang, zakat dan puasa. Haji difardhukan pada tahun yang ketujuh Hijrah Rasulullah s.a.w. Dan diantara bulan-bulan Haji ialah Syawal, Zulkaedah dan 10 Zulhijjah.

Syarat Wajib Haji

- 1) Beragama Islam
- 2) Telah Baligh
- 3) Berakal

-
-
- 4) Mengetahui pekerjaan yang akan dilakukan.
 - 5) Berkuasa dan merdeka

Rukun Haji

- 1) Niat
- 2) Wukuf di Arafah
- 3) Tawaf tujuh kali keliling Kaabah
- 4) Sa'ie antara Safa dan Marwah tujuh kali
- 5) Bercukur atau bergunting rambut
- 6) Tertib

Umrah

Setiap orang Islam yang berkemampuan adalah digalakkan pergi mengunjungi dan menziarahi ke Baitullah al-Haram di Mekah Al-Mukarramah. Umrah ini boleh dilakukan pada bila-bila masa selain daripada bulan-bulan haji iaitu bulan Syawal, Zulkaedah dan 10 Zulhijjah dengan tiada terbatas tempoh lamanya, terpulang pada kemampuan masing-masing.

Umrah juga dikenali sebagai haji kecil dan hukum mengerjakannya adalah sunat. Cara mengerjakan ibadah umrah juga berbeza sedikit daripada ibadah haji.

Rukun Umrah:-

- 1) Niat
- 2) Tawaf tujuh kali keliling Kaabah
- 3) Sa'ie tujuh kali antara Safa dan Marwah
- 4) Bercukur atau gunting rambut
- 5) Terbit

Nota:

Perbahasan yang lebih mendalam perlulah merujuk kepada kitab-kitab yang lebih terperinci.

Kesalahan-kesalahan Besar Dalam Islam

- a. Murtad
- b. Membunuh Orang
- c. Berzina (melakukan persetubuhan haram)
- d. Minum arak
- e. Meninggalkan sembahyang (5 waktu sehari semalam)
- f. Berjudi
- g. Merompak
- h. Derhaka kepada kedua ibu bapa
- i. Membuka aurat
- j. Makan barang yang diharamkan
- k. Memfitnah
- l. Mengumpat

Hukum-hukum Dalam Islam

- a. Wajib
- b. Sunat
- c. Haram
- d. Makruh
- e. Harus (Mubah)

Wajib (Yang lazim dan tetap)

Sesuatu perintah dari Allah S.W.T. yang mesti dikerjakan jika dikerjakan akan diberi pahala, dan jika ditinggalkan mendapat dosa seperti sembahyang lima waktu, puasa bulan Ramadhan, zakat dan lain-lain lagi.

Sunat (Perbuatan yang digalakkan)

Sesuatu perkara yang digalakkan melakukannya dan jika dilakukan akan diberi pahala jika ditinggalkan tidak berdosa seperti memberi salam, bersedekah, menziarahi orang sakit dan lain-lain.

Haram (Yang dilarang)

Sesuatu pekerjaan yang dilarang oleh Allah S.W.T. Jika dibuat akan mendapat dosa, dan jika ditinggalkan akan mendapat pahala seperti minum arak, judi zina dan lain-lain.

Makruh (Perbuatan yang dibenci)

Sesuatu pekerjaan yang tidak disukai dilakukan, jika dilakukan tidak berdosa tetapi ditinggalkan akan mendapat pahala seperti kentut di khalayak orang ramai, mengorek hidung dan lain-lain.

Harus (Perbuatan yang bebas)

Sesuatu yang boleh dilakukan atau ditinggalkan. Dikerjakan tidak diberi pahala, ditinggalkan juga tidak berdosa kecuali jika disusuli dengan niat untuk beribadat, maka ketika itu diberi pahala seperti makan/minum, tidur dan lain-lain.

Amalan Yang Baik

1. Apabila kita bertemu dengan Saudara Islam, kita disunatkan memberi salam.

السَّلَامُ عَلَيْكُمْ وَرَحْمَةُ اللَّهِ وَبَرَّ كَاتِبِهِ

ASSALAAMU 'ALAIKUM WAROHMATULLAA
HI WABARAKAATUH

Maksudnya: "Selamat sejahtera atas kamu dan rahmat Allah."

Maka wajib kita menjawab:

وَعَلَيْكُمُ السَّلَامُ وَرَحْمَةُ اللَّهِ وَبَرَّ كَاتِبِهِ

WA'ALAIKUMMUS SALAAM WAROHMATULLAA HI
WABAROKAATUH

Maksudnya: "Dan di atas kamu juga selamat sejahtera dan rahmat Allah."

2. Jika kita telah melakukan sesuatu kesalahan, maka kita hendaklah memohon ampun pada Allah S.W.T. dengan diucapkan

أَسْتَغْفِرُ اللَّهَ الْعَظِيمَ

ASTAGH FIRULLAAH HAL 'AZIIM

Maksudnya: "Aku memohon keampunan Mu Ya Allah."

3. Jika kita berjaya di dalam satu-satu usaha ucapkanlah

الْحَمْدُ لِلَّهِ

ALHAMDULILLAAH

Maksudnya: "Segala puji bagi Allah S.W.T."

4. Jika kita dijemput ke suatu majlis keraian, kenduri dan sebagainya maka kita ucapkan

إِنْشَاءَ اللَّهِ

INSYAA ALLAH

Maksudnya: "Dengan izin Allah."

5. Jika kita terperanjat, maka kita ucap

نَعُوذُ بِاللَّهِ

NA'UUZUBILLAAH

Maksudnya: "Aku memohon perlindungan Allah S.W.T.

6. Jika kita mendengar berita kematian, maka diucapkan

إِنَّ اللَّهَ وَإِنَا إِلَيْهِ رَاجِعُونَ

IN NAA LILLAHI WA INNA ILAIHI ROOJI'UUN

Maksudnya: "dari Allah kita datang, kepada Allah kita kembali."

Rujukan Buku

1. **Let's Pray (Male)**
(The Muslim Convert's Association of Singapore Darul Arqam Singapore)
2. **Come Closer to Allah**
(Islamic Da'wah Center Ministry of Religious Affairs, Brunei Darussalam)
3. **Mari Sembahyang (Lelaki)**
Ahmad Sonhadji Mohamad)
4. **Asas-asas Saudara/Saudari Baru (Muallaf)**
(Jabatan Agama Islam Selangor (JAIS))
5. **Perukunan**
(PERKIM)
6. **Feqah Islam**
(H. Sulaiman Rasjid)
7. **Kitab Tuntutan Ibadat**
(Sheikh Ali b. Abdullah)

8. **Intisari Perukunan Dalam Islam**
(Bukhari T. Muda)
9. **Panduan Fardhu 'Ain**
(Ismail Kamus)
10. **Fardhu 'Ain Lengkap'**
(M.H. Ikhlas)
11. **Selok Belok Agama (Jilid 1-2)**
(H. Abu Bakar Yacub)



Pertubuhan Kebajikan Islam Malaysia (PERKIM) adalah sebuah organisasi bertaraf badan bukan kerajaan (NGO). Aktivitinya adalah memfokuskan kepada penyebaran syiar dakwah Islamiyah melalui program-program kebajikan khususnya kepada non-muslim dan juga saudara-saudara baru.

Sebagai sebuah badan NGO, PERKIM tidak mempunyai sumber kewangan yang kukuh dan tetap. Sebahagian besar adalah datang melalui sumbangan dan derma daripada pelbagai pihak samada kerajaan, syarikat-syarikat swasta dan juga orang-orang perseorangan.

Antara aktivitinya yang dijalankan ialah menerbitkan buku-buku agama sebagai panduan kepada golongan yang memerlukan. Oleh kerana kos penerbitannya agak tinggi dan semua edaran PERKIM adalah percuma, pihak PERKIM mempunyai keupayaan kewangan yang terhad untuk menerbitkan dengan tajuk yang terhad untuk menerbitkan dengan tajuk yang lebih banyak dan kuantiti yang lebih besar.

Sehubungan dengan itu, pihak PERKIM merayu jasa baik semua pihak untuk menyalurkan derma ikhlas bagi membaiayai kos penerbitan PERKIM.

SUMBANGAN KEWANGAN UNTUK PENERBITAN PERKIM

Nama : _____

Alamat : _____

_____ No. Tel : _____

Bersama-sama dengan surat ini dikirimkan sumbangan sebanyak

RM _____ sahaja

Alamat PERKIM
Pertubuhan Kebajikan Islam Malaysia (PERKIM)
Tingkat 4, Bangunan PERKIM
150, Jalan Ipoh
51200 Kuala Lumpur
Malaysia

